

Ledscha davart las finanzas e davart il revisorat da la Corporaziun evangelica Scuol/Tarasp (LFR)

dals 26 november 2010

La radunanza da la Corporaziun evangelica Scuol/Tarasp,
sün basa da l'art. 18¹ litera h dals statüts da la corporaziun
decida:

I. Chomp d'applicaziun e princips per las finanzas

Art. 1

¹ Quista ledscha regla in special la gestiun da las finanzas da la Corporaziun evangelica da Scuol/Tarasp (seguint corporaziun). Chomp d'applicaziun

² Ella vala per l'administraziun da la corporaziun sco eir per chaschas specialas.

Art. 2

¹ Minch'expensa es la consequenza directa o previsibla da ledschas o da decisziuns da credits suottamissas a la radunanza da la corporaziun. La basa legala es avant man eir schi's tratta d'una expensa liada. Legalità

² Ils decasteris ed ils posts da servezzan ston garantir sün lur chomp da cumpetenzza cha las expensas e cha las entradas sco eir cha'ls dovairs e las pretaisas da la corporaziun hajan üna basa legala suffizainta.

Art. 3

¹ Il quint curraint sto gnir tgnü in equiliber a media vista. Cun fixar il büdschet ed il pè d'impostas ston gnir resguardats il svilup economic e'l chapital agen. In quist connex sto gnir resguardada la divergenza probabla in congual cul resultat chi vain spettà pel quint. Equiliber da finanzas

² A media vista nu das-chan las expensas da la corporaziun s'augmentar procentualmaing plü ferm co quai cha l'economia generala crescha.

¹ Decisiun radunanza dals 26 avrigl 2023

³ In temps da buna conjuntura ston gnir tut in mera surplüs dal rechav dal quint curraint, uschè inavant cha quels sun necessaris per cuvernar ils deficits in temps finanzialmaing critics.

⁴ Ün eventual deficit da bilantsch sto gnir redot annualmaing per almain 25 pertschient da la valur iniciala cun üna tariffa lineara. Las summas correspondentas ston gnir integradas aint il prossem büdschet.

⁵ Ils surplüs dal rechav dal quint curraint ston gnir dovrats plainamaing per amortisar il deficit da bilantscha.

Art. 4

Regularità e completezza

¹ Las finanzas e la contabilità correspuondan als princips da la regularità e da la perfecziun chi sun generalmaing valabels. Ils princips da l'economia da manaschi ston gnir resguardats complementarmaing a la nova gestiun publica da las prestaziuns e da las finanzas.

² Tuot ils evenimaints da finanzas e tuot ils fats da contabilisaziun ston gnir registrats illas finanzas ed illa contabilità.

Art. 5

Spargnavlezza, rentabilità, efficacità e finanziaziun

¹ Expensas das-chan gnir fattas be, sch'ellas sun necessarias e supportablas. Per mincha proget sto gnir tschernüda üna soluziun uschè efficazia, economica ed ecologica sco pussibel.

² Pro tuot ils progets chi vegnan suottamiss a la radunanza da la corporaziun e chi han ün effet sün las finanzas muossa il consistori via sün lur consequenzas finanziaias. El preschainta il gener da finanziaziun.

Art. 6

Finanziaziun tras las chaschunadras ed ils chaschunaders

Las chaschunadras ed ils chaschunaders da masüras e da cuosts specials sco eir las profitadras ed ils profitaders da prestaziuns specialas ston per regla portar sves il cuosts. Per cas da dürezza po il consistori far excepziuns.

II. Gestiun e structura da la contabilità

Art. 7

Princips

¹ La contabilità s'orientescha vi dal model armonisà da contabilità public (MAC).

² La contabilità dà ün purtret cler, cumplet e vardaivel davart la situaziun da la facultà, da las finanzas e da la rendita, sco eir davart il svilup da las finanzas.

³ Las entradas e las expensas, sco eir las activas e las passivas ston gnir registradas sainza cumpensar üna cun l'otra (princip brut). Tuot ils dabuns e tuot ils dovairs ston gnir registrats curraintamaing e ston gnir cumprovats – cun excepziun da las contribuziuns garantidas – aint il quint da facultà.

⁴ Valair vala l'impegn qualitativ, quantitativ e temporal dals imports chi sun nomnats aint il büdschet.

Art. 8

¹ La corporaziun maina ün quint administrativ ed ün quint da facultà. Organisaziun

² Il quint administrativ consista dal quint curraint e dal quint d'investiziun. El cuntegna tuot las entradas e tuot las expensas per accumplir las incumbenzas publicas, sco eir la dischminuziun e l'affluenza da valur.

³ Il quint da facultà cuntegna – suot las activas – la facultà finanziaria, la facultà administrativa ed eventualmaing il deficit da bilantsch. Suot las passivas vegnan cumprovats il chapital ester, las obligaziuns per legats e fundaziuns sco eir il chapital agen.

⁴ Il chapital ester cumpiglia ils debits, las retensiuns e las passivas transitoricas.

⁵ Il chapital agen as cumpuona da surplüs dal rechav dal quint curraint e vain utilisà per cuvernar surplüs d'expensas dal quint curraint.

Art. 9

¹ Entradas sun quels andamaints finansials chi augmantan la facultà Entradas ed
expensas
finanziala.

² Sco expensa vala l'utilisaziun da la facultà finanziaria per accumplir incumbenzas publicas.

Art. 10

¹ Pro la facultà finanziaria appartegnan quellas valuors da facultà chi nu Facultà finanziaria
ed administrativa
servan directamaing per accumplir incumbenzas publicas e chi pon gnir vendüdas sainza restrenscher l'accumplimaint da las incumbenzas.

² La facultà administrativa cumpiglia quellas valuors da facultà chi servan per accumplir directamaing e d'ürant ün temp plü lung incumbenzas publicas.

³ Sch'üna valur da facultà nu vain permanentamaing plü dovrada per accumplir ün'incumbenza publica, transporta il consistori quella illa facultà finanziaria.

Art. 11

¹ La facultà finanziaria vain valütada tenor princips commercials sco segua: Valütaziun
1. facultà
finanziala

- a) mezs disponibels per la valur nominala;
- b) dabuns, palperis da valur cun fits fixes, impraists per la valur nominala;
- c) immobiglias da la facultà da finanzas maximalmaing per la valur commerciala;

d) reservas maximalmaing pella valur d'acquisiziun respectivmaing pels cuosts da producziun o per la valur dal marchà, scha quella es considerabelmaing suot la valur d'acquisiziun.

² Transports da facultà finanziaria illa facultà administrativa vegnan fats per la valur commerciala.

³ Transports da facultà administrativa in la facultà finanziaria vegnan fats per la valur contabilisada.

⁴ Revalütaziuns ston gnir contabilisadas sur il quint curraint.

Art. 12

2. facultà
administrativa

¹ La facultà administrativa das-cha gnir bilantschada maximalmaing per sia valur d'acquisiziun o da producziun e cun dedüer las amortisaziuns adequatas.

² La valütaziun da la facultà administrativa resulta da l'activaziun da las expensas d'investiziun sco eir da las entradas d'investiziun e da las amortisaziuns.

³ Per eruir las amortisaziuns vala la valur contabilisada pels 1. schner, inplü las investiziuns nettas da l'on da gestiun correspondent.

⁴ Müdadas da la facultà administrativa ston gnir contabilisadas sur il quint administrativ.

Art. 13

Amortisaziuns
1. general

¹ La facultà administrativa sto gnir amortisada systematicamaing sülla valur contabilisada restanta, e quai resguardond ün'aigna finanziaziun da las expensas d'investiziuns adattada a l'economia da finanzas ed a l'economia publica.

² Imprais e participaziuns da la facultà administrativa ston gnir amortisats tenor princips commercials.

³ Scha la situaziun finanziaria permetta, pon gnir previssas amortisaziuns extraordinarias aint il preventiv.

Art. 14

2. facultà
administrativa

¹ Cun resalva d'üna disposiziun divergenta in üna ledscha opür üna decisiun da la radunanza da la coproraziun importan las amortisaziuns annualas regularas sülla valur contabilisada da la facultà administrativa a la fin da l'on da gestiun:

- a) 10 pertschient sün chosas materialas;
- b) 20 pertschient sün mobiglias, maschinas ed apparats;
- c) 10 pertschient sün contribuziuns d'investiziun;
- d) 10 pertschient sün imprais e partecipaziuns, las qualas sun da restituir pür davo 20 ons opür nu sun da restituir e chi dan giò üna pitschna opür ingüna rendita;
- e) la dischminuziun da la valur efectiva sün reservas da marchanzia;

f) 10 fin 50 pertschient sün ils ulteriurs cuosts activats.

² Scha la valur contabilisada restanta d'üna posiziun crouda suot 2'000 francs vain quella amortisada cumplettamaing.

Art. 15

Il chapital ester vain valütà per la valur nominala. Retensiuns ston gnir valütadas cun precauziun, Valütaziun dal chapital ester

Art. 16

¹ In nom da la corporaziun es il consistori cumpetent d'acceptar da terzas persunas legats e fondos independents. Legats e fondos

² Scha lur intent scrouda o nu po plü gnir perseguità adequatamaing, fusiunescha il consistori il legat o il fondo independent cun oters legats o cun oters fondos independents o tils schoglia.

³ Ils legats ed ils fondos independents vegnan manats i'l rom da lur intent aint il quint da facultà.

Art. 17

Il quint administrativ vain structurà da princip tenor geners (gruppas materialas). Structuraziun dal quint administrativ

Art. 18

Il quint curraint cuntegna tuot ils cuosts e tuot ils rechavs chi resultan o chi sun effectivmaing debitats d'ürant l'on da chalender. Quint curraint

Art. 19

Il quint d'investiziun cuntegna quellas expensas chi s-chaffischan aignas valuors importantas o valuors subvenziunadas importantas da la facultà administrativa e da las entradas d'ün on da chalender per quel intent. Cul resultat cumprova quel las investiziuns nettas. Quint d'investiziun

Art. 20

¹ Expensas d'investiziun per investiziuns materialas fin 5'000 francs per unità vegnan inchargiadas al quint curraint. Attribuziun da las investiziuns

² Lavuors da mantegnimaing sainza müdada da l'intent o augmaint da valur vi d'edifizis da la corporaziun fin 30'000 francs vegnan per regla inchargiadas al quint curraint.

Art. 21

¹ La facultà finanziaria as cumpuona da mezs finansials disponibels, dals dabuns, da las investiziuns da chapital, e da provisius. Facultà finanziaria e chapital d'impraist

² Il consistori ha da procurar per ün'administraziun sgüra ed uschè produc-tiva sco pussibel da la facultà finanziaria sco eir dals mezs finansials ne-cessaris.

III. Büdschet, credits e quint

Art. 22

Büdschet

¹ Il büdschet es classificHà tenor la structura organisatorica da l'admini-straziun.

² La radunanza fixescha il büdschet per tuot ils decasteris.

³ Sco credits separats decida ella:

- a) expensas d'investiziuns per construcziuns da fabrica;
- b) rubricas specialas d'entradas e sortidas dadour la structura dals deca-steris;
- c) impraists da munaida e partecipaziuns.

⁴ Scha la radunanza nun approvescha parts dal büdschet o tuot il büdschet fin als 31 december da l'on precedaint, vala la proposta dal consistori per las parts dal büdschet chi nu sun approvadas. Fin cha'l büdschet nun es approvà cumplettaing, das-chan gnir fattas be las expensas necessarias ed urgiaintas.

Art. 23

Programm annual

¹ Il consistori relascha annualmaing las directivas e'ls intents per elavurar il büdschet.

² Il decasteri da finanzas coordinescha temporalmaing e materialmaing l'inoltraziun dal sböz dal büdschet e relascha las directivas chi sun necessarias per quai. El controlla tuot las dumondas da credits davo criteris for-mals ed es autorisà da rectificar quels cul consentimaint dals decasteris.

³ Al sböz dal büdschet ston gnir aggiuntas las calculaziuns ed ils docu-maints necessaris per examinar las expensas e las entradas.

Art. 24

Credits

¹ Ils credits ston gnir restrets sülla masüra necessaria e ston gnir calculats o stimats precautamaing. Els nu das-chan gnir transportats d'ün on a l'oter e das-chan gnir dovrats be per l'intent chi'd es indichà aint il büdschet.

² Il consistori decida davart l'adöver dals credits approvats. El po delegar quista cumpetenzza als decasteris.

Art. 25

Colliaziun
quantitativa al
büdschet

¹ Ils credits tenor büdschet ston da princip gnir resguardats. Surpassa-maints da credit vegnan admiss be i'ls cas tenor art. 27 alinea 2 da quista ledscha.

² In princip das-chan gnir surtuts dovairs be i'l rom dals credits tenor büdschet. Dovairs chi surpassan quist rom vegnan admiss be culla resalva scha la radunanza da la corporaziun conceda il credit.

Art. 26

Ils credits tenor büdschet das-chan gnir dovrats be per l'intent indichà aint il text dal conto.

Destinaziun fixa
dals credits

Art. 27

¹ Sch'ün incumbenza ha da gnir accumulida d'ürant l'on curraint, ma schi manca ün credit tenor il büdschet o scha quel nu tendscha, sto gnir dumandà ün credit posteriur avant co surtout novs dovairs o prestaziuns. Davart quai decida la radunanza da la corporaziun.

Credits posteriurs
e surpassamaints
da credits

1. general

² Ün credit posteriur nun es necessari:

- a) per expensas, da las qualas l'intent, la dimensiun e'l termin sun fixats tenor il dret federal o chantunal, tenor decisiuns dal pövel evangelic grischun, tenor üna ledscha, tenor ün'ordinaziun o üna decisiun dal cussagl grond evangelic grischun;
- b) per expensas sün fundamaint d'üna decisiun giudiziala;
- c) per expensas supplementaras chi vegnan gulivadas il medem on da quint tras entradas supplementaras o tras expensas plü pitschnas chi as referischan a la medemma chosa;
- d) schi's sto far quint cun ün don tras la suspensiun d'ün'expensa chi nun es cuvernada tras ün credit;
- e) per expensas supplementaras fin 5'000 francs opür, sch'ellas surpassan quist import, fin duos pertschient per mincha credit tenor büdschet;
- f) per expensas cha'l consistori po decider in aigna cumpetenzza.

Art. 28

¹ Credits posteriurs e spostamaints da credits ston gnir dumandats avant mincha dovoir o prestaziun na garantida tras ün credit. Las expensas correspundentas das-chan gnir fattas pür cur cha las dumondas da credit sun gnüdas approvadas.

2. Credits
posteriurs

² Credits posteriurs vegnan per regla dumandats be, sch'üna necessità o urgenza speciala es cumprovada. Scha pussibel ston ils credits posteriurs gnir cumpensats cun expensas plü bassas.

Art. 29

Schi vain investi sainza credit o schi vain surpassà credits sainza permiss, sto la chosa gnir suottamissa a la prosma radunanza da rendaquint da la corporaziun per dar dis-charg.

3. Surpassamaints
da credits

Art. 30

Expensas liadas e
nouvas

¹ Ün expensa vala specialmaing sco liada, sch'ella:

- a) po gnir decisa in cumpetenzza finala dal consistori;
- b) es prescritta da princip ed a regard la dimensiun tras üna norma giuridica o tras üna sentenza giudiziala;
- c) es indispensabla per accumplir in möd efficiaint incumbenzas administrativas chi sun prescrittas da la ledscha e sch'ella serva in prüma lingia ad aquistar ed a renovar ils mezs persunals e materials chi sun necessaris per l'actività administrativa;
- d) es necessaria – tras masüras da construcziun – per mantegner e per ütilisar la substanza architectonica existenta in möd convegnavel sainza müdar seis intent;
- e) es necessaria per cuntinuar o per abolir contrats da fittanza existents chi'd eiran gnüts fats cun l'intent d'accumplir incumbenzas da la corporaziun;
- f) concerna ils cuosts da planisaziun e da progettaziun per preparar ün proget.

² Liadas sun eir tuot las amortisaziuns ed ils fits.

³ Ün expensa vala sco nouva, schi exista üna libertà d'agir relativmaing gronda areguard sia dimensiun, areguard seis effet intenziunà, areguard il termin da sia realisaziun o areguard otras modalitats essenzialas.

Art. 31

Credit d'impegn
1. general

¹ Il credit d'impegn autorisescha da surtour dovairs finansials fin ad üna summa fixada per ün intent fixà.

² Il credit d'impegn sto per regla gnir fat bun sco summa brütta. El po gnir fat bun sco summa netta, scha la summa da las contribuziuns da terzas persunas es garantida per scrit o sch'el vain fat bun cun la resalva da tschertas prestaziuns da terzas persunas.

³ Las prestaziuns annualas as drizzan tenor ils mezs finansials chi vegnan miss a disposiziun aint il büdschet.

⁴ Il credit d'impegn scrouda, sch'el nu vain dovrà o scha seis böt es accumpli.

⁵ Schi's muossa – saja quai avant o d'ürant la realisaziun d'ün proget – cha'l credit d'impegn fat bun nu tendscha, sto gnir dumandà ün credit supplementar avant co surtour novs dovairs.

⁶ Scha'l credit d'impegn cuntegna üna clausla tenor il stadi dals predschs, s'augmanta o as redüa quel in dimensiun da la müdada da l'index da l'index charimaint.

Art. 32

2. gens

¹ Credits d'impegn vegnan concess sco credits per ün object o sco credits generals.

² Il credit per ün object es ün credit d'impegn per ün proget singul.

³ Il credit general es ün credit d'impegn per ün program cun plüs progets.

Art. 33

¹ Il credit d'impegn cumpiglia tuot ils cuosts directs registrats illa contabilità da las finanzas chi sun necessaris tenor la decisiun per realisar il proget. 3. elemaints dals cuosts

² Per expensas imprevisas po il credit d'impegn cuntgnair üna reserva averta da maximalmaing desch pertschient da la somma da credit.

³ Sch'ün proget cuntegna expensas novas tenor il dret da finanzas sco eir expensas liadas, ston quellas gnir eruidas e cumprovasas.

⁴ La calculaziun da cuosts sto gnir fatta sün basa dals predschs actuals.

⁵ Schi sto gnir resguardà l'incharimaint, sto il credit d'impegn gnir fat bun cun üna clausla da predschs.

⁶ Aint il quint administrativ sto gnir manà scha pussibel ün conto separà per mincha credit d'impegn.

Art. 34

¹ Ün credit d'impegn esa da dumandar, sch'ün proget plü grond vain sparti sün plüs ons. 4. procedura

² Credits d'impegn e credits supplementars ston gnir dumandats a la radunanza da la corporaziun.

³ In cas urgiaints po il consistori trar üna decisiun simpla e suottametter la proposta a la prossma radunanza da la corporaziun.

Art. 35

¹ In cas da credits d'impegn succeda la calculaziun da l'incharimaint per la perioda tanter il mumaint da la calculaziun dals cuosts (basa dals predschs dal credit d'impegn) e la surdatta da la lavur sün fundamaint da l'index da l'incharimaint manzunà aint illa decisiun. 5. cuosts supplementars chaschunats tras l'incharimaint

² Pel temp tanter la surdatta da la lavur e la realisaziun da la lavur, respectivmaing la furniziun vegnan fattas cunvegnas in merit. I das-cha gnir miss in quint maximalmaing l'incharimaint effectiv.

Art. 36

¹ Per expensas supplementaras chaschunadas tras l'incharimaint e tras ledschas nu faja dabsögn d' ün credit supplementar. 6. credits supplementars

² Dumondas da credits supplementars vegnan suottamissas al consistori a man da la radunanza da la corporaziun.

Art. 37

7. rendaquint

¹ Cun ün credit d'impegn sto gnir fat giò quint directamaing, subit davo ch'ün proget es fini e cha eventualas contribuziuns da terzas personas sun gnüdas fixadas definitivmaing.

² Per la realisaziun correcta dal rendaquint es respunsabel quel decasteri chi ha realisà il proget.

Art. 38

Quint da la corporaziun

¹ Il quint da la corporaziun ha la medema structura sco'l büdschet. El sto cuntgnair tuot las indicaziuns essenzialas davart l'utilisaziun dals credits e davart la situaziun finanziaria da la corporaziun.

² Surplüs dal rechav dal quint curraint pon gnir impuondüts parzialmaing per amortisaziuns supplementaras e per redüer il debit da la banca.

IV. Cumpetenzas d'expensas e d'entradas

Art. 39

Delegaziun d'expensas

La cumpetenzza d'expensas cuntegna il dret da dovrar ils credits tenor il büdschet approvà. La cumpetenzza es chosa dal consistori, sch'ella nu vain delegiada.

Art. 40

Chomp d'applicaziun da las cumpetenzas d'expensas

Las cumpetenzas d'expensas dal consistori valan per:

- a) surdar lavuors;
- b) cumprar marchanzia e roba sco eir per far adöver da prestaziuns da terzas personas;
- c) conclüder contrats da fittanza, da leasing e da sgüranzas;
- d) processar e far giò congruals.

Art. 41

Cumpetenzas d'expensas

Il consistori ha la cumpetenzza da permetter novas incumbenzas fin maximal 6'000 francs in üna jada e pro spaisas chi's repettan fin maximal 3'000 francs.

Art. 42

Renunzchas d'entradas

¹ La renunzcha sün entradas vala da princip sco expensa in sen da l'artichel 9 alinea 1 da quista ledscha.

² Da desister sün dabuns as das-cha tuottafat o per part be scha:

- a) il pajamaint rapreschainta üna dürezza insupportabla per las personas obliadas da pajar;
- b) il decasteri cumpetent constatescha la nunincassabilità;
- c) l'attest da perdita po gnir converti in munaida.

³ Il consistori po conceder renunzchas d'entradas fin a 1'000 francs.

Art. 43

¹ Scha l'inchasch d'ün debit para invan fingià ouravant sün basa da las actas chi sun avant man, po la perdita gnir scritta giò administrativmaing. Amortisaziun da pretensiuns

² Scha pussibel esa da cuntenscher ün attest da perdita.

³ Per las deducziuns sün basa da l'attest da perdita es cumpetent il decasteri da finanzas.

⁴ Sur dad ulteriuras deducziuns decida il consistori.

Art. 44

¹ Il consistori definescha in prüma lingia la persuna respunsabla pel decasteri da finanzas ed üna suppleanta opür ün suppleant sco persunas cul dret da far expensas. Persunas cun dret da far expensas

² Chi chi vain favurisë tras l'expensa o chi chi ha ordinà sulet la prestaziun correspondenta, nun ha in quist cas il dret da far l'expensa.

³ Il nom e la funcziun da la persuna cun dret da far expensas sto gnir communicchè al revisorat cull'agiunta dals exaimpels da la suottascripziun.

Art. 45

¹ Il decasteri da finanzas ha specialmaing: Decasteri da finanzas

- a) d'organisar la contabilità;
- b) da relaschar directivas davart las finanzas e la contabilità;
- c) da tour posiziun davart da dumondas da dret da finanzas.

² El es cumpetent da trattar tuot ils cas da don da la corporaziun.

³ El fixa annualmaing ils pertschients dals fits da retard e da bunificaziun, sco eir las taxas d'admoniziun e d'inchaschamaint. Ils fits da retard importan maximal ses pertschient, las taxas per admoniziuns maximalmaing 30 francs, las taxas per dumondas da scussiun maximalmaing 50 francs e las taxas per iniziar la procedura da dret maximalmaing 200 francs.

Art. 46

Ils decasteris: Dovairs dals decasteris

- a) controllan cuntinuadamaing l'adöver dals credits da büdschet concess e pisseran cha quels vegnan tgnüts aint;
- b) garantischan l'adöver prescrit, spargnuoss ed economic da lur credits e da las valuors da facultà affidadas;
- c) procuran per ün sistem intern da controlla adequat;
- d) fan valair ils drets finanziaals invers terzas persunas.

V. Contabilisaziuns e pajamaints

Art. 47

Execuziun da contabilisaziuns e da pajamaints

¹ Contabilisaziuns, cumpensaziuns e pajamaints das-cha succeder be, scha'ls muossamaints originals correspondentes dals decasteris sun gnüts examinats, contats e visats tenor las prescripziuns e scha las expensas sun gnüdas accordadas da las instanzas cumpetentas chi han il dret da far expensas.

² Mincha muossamaint d'ün'expensa sto cuntgnair, sper la conferma da la correctezza materiala ed aritmetica, la suottascripziun d'üna persuna chi ha il dret da far expensas.

³ Muossamaints d'entradas bsögnan la suottascripziun d'üna persuna chi ha il dret da far expensas. In cas specials po la persuna respunsabla pel decasteri da finanzas delegiar in scrit quist dret da suottascriber. Ils exampls correspondentes da las suottascripziuns ston gnir tramiss al revisorat.

Art. 48

Pajamaints anticipads e parzials

¹ Pajamaints anticipads nu sun admiss.

² Pajamaints parzials pon gnir fats, be scha las prestaziuns sun gnüdas furnidas e cumprovas. Els nu das-cha surpassar ils cuosts probabels da la corporaziun.

Art. 49

Dovair da tegner in salv documaints

Ils documaints da la contabilità ston gnir tgnüts in salv uschè lönch, sco ch'els ston star a disposiziun sco mezs da controlla per constatar relaziuns da debit e pretensiun, almain però d'ürant desch ons.

VI. Taxas

Art. 50

Princip per calcular las taxas

¹ Las taxas han da correspunder al princip dal chaschunader, al princip da la garanzia dals cuosts ed al princip d'equivalenza.¹

² Las taxas vegnan calculadas tenor:

- a) ils cuosts totals;
- b) l'importanza da la fatschenda per las personas obliadas da pajar taxas e lur interess da l'execuziun.

³ Per regla vegnan inchaschadas taxas pauschalas. Prestaziuns ed expensas specialas pon gnir missas in quint supplementarmaing.

¹ Directivas regard las acziuns da la Baselia evangelica refuormada Grischuna (CLB 214)

⁴ Tuot las remuneraziuns da prestaziuns ston gnir examinadas periodica-
maing sün fundamaint d'üna calculaziun da cuosts e ston gnir adattadas
regularmaing al svilup dals cuosts.

Art. 51

Per incumbenzas chi chaschunan paca lavur nu vegnan inchaschadas in-
günas taxas. Dispensaziun da
taxas

VII. Mezs legals

Art. 52

Ils adressats da disposiziuns da taxas sun autorisats da far protesta in scrit
cunter quellas pro'l consistori, e quai infra 30 dis daspö la communica-
ziun. Mezs legals
1. protestas

Art. 53

Cunter la decisiun dal consistori po gnir fat recuors pro la cumischiun da
recuors da la Baselia evangelica chantunala Grischuna e quai infra 30 dis
daspö la comunicaziun. 2. recuors

VIII. Revisorat

Art. 54

¹ Il revisorat es l'organ perit superiur da la corporaziun. Posiziun
² El nun es ün organ d'execuziun e nun ha cumpetenzas da decider da per
sai. El po racumandar e far propostas a la radunanza ed al consistori.

Art. 55

¹ Il revisorat examinescha la gestiun ed il rendaquint da la corporaziun sco
eir ils quints specials. Incumbenzas
² El examinescha il quint curraint e d'inventar.

Art. 56

Cul consentimaint dal consistori po il revisorat consultar perits. Perits

Art. 57

Il revisorat ha il dret d'obtgnair infuormaziuns e da tour in vista ils cude-
schs, muossamaints, protocols dal consistori e da la radunanza sco eir in
otras actas. Dret da obtgnair
infuormaziuns e
da tour invista

	Art. 58
Obligaziun da discreziun	Ils commembers dal revisorat suottastan a l'oblig da discreziun.
	Art. 59
Termins, rapport e propostas	¹ Il quint es da surdar al revisorat ses eivnas avant la radunanza da rendaquint.
1. termin	² El surdà seis rapport cun proposta il plü tard 20 dis avant la radunanza da rendaquint al consistori.
	Art. 60
2. rapport	Il rapport a man da la radunanza da rendaquint cumpiglia üna descripziun sur dal möd d'examinar ed üna posiziun sur da l'exactezza formala e materiala.
	Art. 61
3. propostas	Las propostas e'l rapport sun da munir cul lö, la data e las suottascripziuns da tuot ils commembers dal revisorat.
	IX. Disposiziuns finalas
	Art. 62
Aboliziun da relaschs	Cull'entrada in vigur da quista ledscha vegnan abolits seguaints decrets:
	1. artichel 14 litera l dals statüts da la corporaziun;
	2. ledscha davart las incumbenzas dal revisorat da la corporaziun dals 5 december 2008;
	3. artichel 6 alinea 1 da la ledscha davart l'adöver da las localitats da la corporaziun dals 5 december 2008.
	Art. 63
Entrada in vigur	Quista ledscha aintra in vigur als 1. schner 2011.